

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO – OPĆINA CENTAR
JU OŠ „HASAN KIKIĆ“
ul. Gorica br. 27

Broj:01-3-3372/25

Datum, 31.10.2025.godine

Na osnovu člana 57. stav (4) u vezi sa članom 5. Zakona o zaštiti ličnih podataka Bosne i Hercegovine („Službeni glasnik BiH“, broj 12/25), te članova 6. i 111. Zakona o osnovnom i srednjem odgoju i obrazovanju Kantona Sarajevo („Službene novine Kantona Sarajevo“, broj 27/24), direktor škole donosi sljedeću:

ODLUKU

o uspostavljanju sistema video-nadzora u JU OŠ „Hasan Kikić“

Član 1.

(Predmet)

Ovom odlukom uređuje se uspostava i način provođenja sistema video-nadzora u JU OŠ „Hasan Kikić“, Centar Sarajevo, svrha obrade, pravni osnov, kategorije podataka, tehničke i organizacione mjere zaštite, prava nosilaca podataka, rokovi čuvanja, pristup, izvoz i ustupanje vizuelnih zapisa, vođenje evidencije aktivnosti obrade te odgovornosti za primjenu ove odluke, u skladu sa Zakonom o zaštiti ličnih podataka („Službeni glasnik BiH“, broj 12/25).

Član 2.

(Svrha uspostavljanja video-nadzora)

Video-nadzor se koristi isključivo radi zaštite lica i imovine škole, sprečavanja neovlaštenog pristupa i osiguranja sigurnosti prostora. Svaka druga svrha obrade nije dopuštena bez posebne zakonske osnove.

Član 3.

(Sistem video-nadzora)

- (1) Uređaj za video-nadzor sastoji se od kamera, monitora i uređaja za prenos, snimanje, obradu i pohranu vizuelnog zapisa.
- (2) Video-nadzor se vrši:
 - a) praćenjem događaja na monitoru u realnom vremenu i/ili
 - b) snimanjem događaja i pohranjivanjem vizuelnog zapisa u memoriju digitalnog snimača sa mogućnošću naknadnog pregleda vizuelnog zapisa.

Član 4.
(Područje obuhvata video-nadzora)

- (1) Video-nadzor obuhvata sljedeće prostore škole:
- ulaze i izlaze iz školskog objekta,
 - hodnike i zajedničke prolaze,
 - školsko dvorište.
- (2) Video-nadzor ne smije obuhvatati učionice, kabinete, toalete, svlačionice, prostorije za odmor i druge prostore u kojima se opravdano očekuje privatnost.

Član 5.
(Način obrade i čuvanja snimaka)

- (1) Snimanje se vrši pomoću digitalnih kamera koje snimaju sliku bez zvuka.
- (2) Snimci se pohranjuju na zaštićenom serveru koji se nalazi u prostorijama škole pod fizičkim nadzorom ovlaštenih osoba.
- (3) Snimci se čuvaju najduže 30 dana, nakon čega se automatski brišu, osim ako se koriste kao dokaz u postupku pred nadležnim organima.
- (4) Pristup snimcima ima samo ovlašteno lice određeno ovom odlukom.

Član 6.
(Ovlaštena lica za pristup i obradu podataka)

- (1) Dnevni čuvar ima pravo pratiti prostor putem video-nadzora u realnom vremenu, isključivo radi obezbjeđenja sigurnosti lica i imovine.
- (2) Pristup pohranjenim snimcima imaju isključivo:
- a) direktor škole,
 - b) službenik zadužen za zaštitu ličnih podataka.
- (3) Pristup snimcima je moguć isključivo u svrhe predviđene ovom odlukom, a svaki uvid mora biti evidentiran u zapisniku o pristupu.
- (4) Zabranjeno je kopiranje, neovlašteno korištenje ili distribucija snimaka.
- (5) Škola vodi evidenciju o pristupu sistemu video-nadzora, koja sadrži: datum, vrijeme i ime lica koje je izvršilo uvid, u skladu sa članom 57. stav (6) Zakona.

Član 7.
(Obavješćavanje o video-nadzoru)

- (1) Na ulazu u prostor pod video-nadzorom mora biti vidno istaknuto obavješćenje koje sadrži:
- a) da je prostor pod video-nadzorom,
 - b) naziv škole kao kontrolora podataka,
 - c) kontakt-podatke (adresa, e-mail, telefon),
 - d) svrhu obrade („zaštita sigurnosti lica i imovine“).
- (2) Obavješćenje mora biti postavljeno najkasnije prilikom ulaska u vidokrug kamera.

Član 8.

(Prava nosilaca podataka)

Lica čiji su podaci obuhvaćeni sistemom video-nadzora (učenici, roditelji/staratelji, zaposlenici i posjetioci škole) imaju prava u skladu sa Zakonom o zaštiti ličnih podataka BiH. Ova prava obuhvataju mogućnost da lice zatraži informaciju o obradi podataka koji se odnose na njega, te da podnese zahtjev za ispravku, brisanje ili ograničenje obrade ako smatra da je obrada izvršena suprotno zakonu.

Zahtjevi se podnose isključivo u pisanom obliku direktorici škole, uz identifikaciju podnosioca zahtjeva. Škola će svaki zahtjev razmotriti u skladu sa Zakonom i vodeći računa o zaštiti prava i privatnosti drugih lica koja se eventualno nalaze na snimcima.

Napomena: Pristup pohranjenim snimcima imaju isključivo nadležni organi (npr. policija, sud) u skladu sa zakonom. Roditelji, učenici i zaposleni ne mogu samostalno tražiti uvid u snimke.

Član 9.

(Mjere zaštite i odgovornost)

- (1) Škola je dužna osigurati tehničke i organizacione mjere zaštite sistema video-nadzora od neovlaštenog pristupa, izmjene ili brisanja podataka.
- (2) Neovlašteno korištenje ili distribucija video-zapisa predstavlja težu povredu službene dužnosti i može imati krivičnopravne posljedice.
- (3) Sistem video-nadzora mora biti zaštićen lozinkom, a pristup je omogućen isključivo ovlaštenim osobama (direktor i službenik za zaštitu ličnih podataka).
- (4) Održavanje i servisiranje sistema video-nadzora vrši ovlaštena firma, na osnovu ugovora o obradi podataka koji garantuje povjerljivost, zabranu kopiranja.

Član 10.

(Završne odredbe)

Ova odluka stupa na snagu danom donošenja i objavljuje se na web stranici škole.

Direktor škole

Almir Pleh

Dostavljeno:

1. Na oglasnu ploču škole/web stranicu škole,
2. a/a.



OBAVJEŠTENJE

PODRUČJE POD VIDEO-NADZOROM

Video-nadzor se koristi radi zaštite sigurnosti učenika, zaposlenika, posjetilaca i imovine škole.

Kontrolor podataka:

JU Osnovna škola „Hasan Kikić“

Gorica 27, Centar, Sarajevo

☎ Tel: +387 33 445 137

✉ E-mail: hasan.kikic@oshkikic.edu.ba

Svrha obrade: Zaštita lica i imovine škole.

Pravni osnov:

Član 57. Zakona o zaštiti ličnih podataka Bosne i Hercegovine („Sl. glasnik BiH“, br. 12/2025).

Za više informacija o obradi ličnih podataka možete se obratiti školi putem gore navedenih kontakata.

Datum postavljanja: 31.10.2025.godine.